



O'ZBEKISTON RESPUBLIKASI VAZIRLAR MAHKAMASINING QARORI

20 22 yil « 17 » yanvar

№ 27

Toshkent sh.

Иссиқхона хўжаликлари фаолиятини самарали ташкил этиш бўйича қўшимча чора-тадбирлар тўғрисида

Мамлакатда озиқ-овқат хавфсизлигини таъминлаш, иссиқхона хўжаликларини молиявий соғломлаштириш, экспортбоп ва рақобатбардош қишлоқ хўжалиги маҳсулотларини узлуксиз этиштириш ҳамда қишлоқ жойларида аҳоли бандлигини таъминлаш ва даромад олишга янада кулагай шароит яратиш мақсадида Вазирлар Маҳкамаси қарор қиласди:

1. Ўзбекистон Республикаси Бош вазирининг ўринбосари Ш.М. Фаниев ва Ҳисоб палатаси раиси ўринбосари С.С. Сайдкаримов бошчилигига “Бухоро агро” эркин иқтисодий зonasидаги муаммоли иссиқхона хўжаликлари фаолиятини ўрганиш бўйича республика ишчи гурӯҳи ташкил этилсин ва унинг таркиби иловага мувофиқ тасдиқлансан.

Республика ишчи гурӯҳи **икки ҳафта муддатда** “Бухоро агро” эркин иқтисодий зonasидаги иссиқхона хўжаликлари моддий-техника базасини, иқтисодий аҳволини ва инфратузилма билан таъминланганлик даражасини ўрганиб чиқсан.

2. Ўзбекистон Республикаси Иқтисодий тараққиёт ва камбағалликни қисқартириш вазирлиги, Қишлоқ хўжалиги вазирлиги, Марказий банк ҳамда тижорат банкларининг “Бухоро агро” эркин иқтисодий зonasидаги иссиқхона хўжаликларига:

давлат дастурлари доирасида ҳамда давлат қарзи эвазига жалб қилинадиган ресурслар ҳисобидан ажратиладиган кредитлар муддатини **7 йилдан 10 йилгacha** қилиб белгилаш ҳамда мазкур иссиқхона хўжаликларига илгари ажратилган кредит муддатларини тегишли равишда 3 йилгача узайтириш;

хорижий валютада ажратилган кредитларни миллий валютада қайта расмийлаштириш ҳамда амалдаги компенсация тақдим этиш тўғрисидаги шартномалари мавжуд бўлган тадбиркорлик субъектларига фоиз харажатларининг **5 фоиздан ошмаган қисмини** Тадбиркорлик фаолиятини кўллаб-куватлаш давлат жамғармаси ҳисобидан қоплаб бериш;

табиий газ учун мавжуд қарздорликни 6 ойга узайтириш ва 2022 йил 1 июлдан бошлаб тенг улушларда йил охиригача қайтариш;

табиий газ учун тўловни ўз вақтида амалга оширганлик учун пеня миқдорини 0,4 фоизидан 0,1 фоизга тушириш, шунингдек 2021 йил 31 декабрь ҳолатига ҳисобланган пеня суммасини ҳисобдан чиқариш;

табиий газ учун оширилган ставкада (шартномавий ҳажмдан ошган қисм учун 1,4 коэффициент) тўлов қўллаш тартибини бекор қилиш тўғрисидаги таклифларига розилик берилсин.

Бунда мазкур имтиёзлар Республика ишчи гурӯхининг ўрганиш натижаларига кўра шакллантирилган рўйхат асосида тақдим этилади.

3. Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги:

республикадаги мавжуд тажрибали ва малакали агроном, энтомолог, лаборатория мутахассисларини “Бухоро агро” эркин иқтисодий зонасидаги иссиқхона хўжаликларига бириктириш;

хорижий агрономларни жалб қилган ҳолда давлат дастурлари доирасида кредит ажратилган республикадаги иссиқхона хўжаликлари фаолиятини аудитдан ўтказиш;

Ўзбекистон Республикаси Президентининг “Мева-сабзавотчилик соҳасини давлат томонидан қўллаб-куватлаш, тармоқда кластер ва кооперация тизимини янада ривожлантириш чора-тадбирлари тўғрисида” 2021 йил 15 декабрдаги ПҚ-52-сон қарорида белгиланган маблағлар ҳисобидан “Бухоро агро” эркин иқтисодий зонасидаги иссиқхона хўжаликларига экинларни етиштириш учун ҳосил қийматининг 50 фоизигача йиллик 14 фоиз (шундан 2 фоизи банк маржаси) ставкада 6 ойлик имтиёзли давр билан 12 ой муддатга кредитлар ажратиш чораларини кўрсин.

4. Ўзбекистон Республикаси Ўсимликлар карантини ва ҳимояси агентлиги икки ҳафта муддатда Ўзбекистон Республикаси Қишлоқ хўжалиги вазирлиги ҳузуридаги Боғдорчилик ва иссиқхона хўжалигини ривожлантириш агентлиги ҳамда масалага алоқадор бошқа вазирлик ва идоралар билан биргалиқда республика ҳудудларида фаолият кўрсатаётган иссиқхоналарда етиштирилган қишлоқ хўжалиги маҳсулотларини экспортга йўналтиришда вужудга келадиган муаммоларни бартараф этишга қаратилган чора-тадбирлар режасини ишлаб чиқсин ва ижросини таъминласин.

5. Республика ишчи гурӯхи Қорақалпоғистон Республикаси Вазирлар Кенгаши, вилоятлар ҳокимлклари, хизмат кўрсатувчи тижорат банклари билан биргалиқда “Бухоро агро” эркин иқтисодий зонасидаги самарасиз иссиқхона хўжаликларини аниқлаб, уларнинг мулкдорлари билан келишган ҳолда мазкур иссиқхона хўжаликларини янги ташаббускорларга ўтказиб берилишини (олди-сотди, кредит бўйича банк олдидаги мажбуриятларни ўтказиш ёки бошқа келишилган шартларда) ташкил этсин.

Республика ишчи гурӯхи, Қорақалпоғистон Республикаси Вазирлар Кенгаши раиси, вилоят ҳокимлари самарасиз иссиқхона хўжаликларини сотишида иқтисодий жиҳатдан барқарор фаолият юритаётган, зарурий инфратузилма обьектлари, шунингдек, мол-мулк ва бошқа воситаларга эга бўлган салоҳиятли ташаббускорларни танланишига шахсан жавобгар ҳисобланади.

6. Республика ишчи гурӯҳи, Ўзбекистон Республикаси Қишлоқ хўжалиги вазирлиги хузуридаги Боғдорчилик ва иссиқхона хўжалигини ривожлантириш агентлиги **бир ой муддатда** иссиқхона хўжаликлари молиявий аҳволини соғломлаштириш ва ривожлантириш бўйича тегишли қарор лойиҳасини Вазирлар Маҳкамасига киритсин.

7. Ўзбекистон Республикаси Қишлоқ хўжалиги вазирлиги манфаатдор вазирлик ва идоралар билан биргаликда **бир ой муддатда** қонунчилик хужжатларига ушбу қарордан келиб чиқадиган ўзгартириш ва қўшимчалар киритиш тўғрисида Вазирлар Маҳкамасига таклиф киритсин.

8. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Фаниев ва қишлоқ хўжалиги вазири Ж.А. Ходжаев зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2022 йил “17” январ даги 27 -сон қарорига
илова

**“Бухоро агро” эркин иқтисодий зонасидаги муаммоли
иссиқхона хўжаликлари фаолиятини ўрганиш бўйича
республика ишчи гуруҳи таркиби**

- | | |
|--------------------|--|
| 1. Ш.М.Ғаниев | — Ўзбекистон Республикаси Бош вазирининг
ўринbosари, <i>иши гуруҳи раҳбари</i> |
| 2. С.С.Сайдкаримов | — Ўзбекистон Республикаси Ҳисоб палатаси
раисининг ўринbosари, <i>иши гуруҳи раҳбари ўринbosари (келишиувга кўра)</i> |
| 3. Х.М. Каримов | — Боғдорчилик ва иссиқхона хўжалигини
ривожлантириш агентлиги директори, <i>иши гуруҳи раҳбари ўринbosари</i> |
| 4. А.А. Камалов | — Ўзбекистон Республикаси Марказий банки
раисининг ўринbosари |
| 5. А.Д. Асамов | — Ўзбекистон Республикаси Қишлоқ хўжалиги
вазирининг ўринbosари |
| 6. Ш.Х. Ходжаев | — Ўзбекистон Республикаси Энергетика
вазирининг ўринbosари |
| 7. Ж.И.Абдиев | — Давлат солиқ қўмитаси раиси ўринbosари |
| 8. Б.Б.Эшмуратов | — “Худудгазтаъминот” АЖ раиси |
| 9. Б.Э.Муродов | — Ўсимликлар карантини ва ҳимояси агентлиги
директори ўринbosари |
| 10. А.И.Назаров | — Бухоро вилояти ҳокимининг қишлоқ ва сув
хўжалиги масалалари бўйича ўринbosари |
| 11. Ж.У.Эшниёзов | — Ўзбекистон Республикаси Вазирлар
Маҳкамаси бош мутахассиси – <i>иши гуруҳ
котиби</i> |

